




*J. Gigas.*  
*Historia de vidua.*  
*Saxptana,*  
*carmin. Heroice descripta.*  
*Udavn., 1591.*



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 656 4° copy 2








Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 656 4° copy 2



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 656 4° copy 2



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 656 4° copy 2



h-93.

DA BOX

LN-656

ex. 2



*ikomplet ex.*



*HISTORIA:*  
**DE VIDVA SAREP-**  
**TANA HOSPITIO EXCIPIENTE**

*Heliam Prophetam, 3. Regum 17. Carmine*  
*Heroico descripta, & con-*  
*secrata*

**NOBILI ET GENE-**  
**ROSO HEROI, GEORGIO ROSEN-**  
**CRANTZ,** Domino in Rosenholm, &c.  
*Inclyti Regni Daniae Consiliario & IV*  
*viro proregi, musarum pa-*  
*trono integerrimo.*

**AVTORE IO. ANNE GIBANTE,**  
*Ioachimico, Poëta Laureato & Theologo.*



**H A F N I Æ**  
*Impressit Iohannes Stockelmannus.*

1 5 9 1.



# HISTORIA, AD NOBIL- LEM ET GENEROSVM

Dñ: Georgium Rosencrantz, &c.



Obilis auditor CHRISTI, sanctiq;  
LUTHERI

Salve, Heros præstans, celebri virtute  
GEORGI,

Nomen habens equitis belli, roseaq; coronæ:  
Salve, Danorum Regis cor, lumen amænum,  
Totius Imperij, charitumq; patrone fidelis:  
Salve, percipiens, cupiat quid Musa ministri  
Pauperis? & tenuem venam non sperne Gigantis:

Aspice, quàm placido vultu collata benignè  
In vates sacros, vatumq; oracula professos  
Respiciat merita, & rursus compenset abundè  
Æternus genitor, cûi sedula cura piorum.

Aspice fæmineam pietatem, & reddita eidem  
Præmia, Thesbiten prompto spontanea vatem  
Dùm fouet hospitio, victumq; impertit amicè.

Hunc celerare fugam atq; inuisa excedere terra,  
Iusserat ætherei magnus dominator olympi,  
Auxiliumq; viæ & victum promiserat idem,  
Signâratq; locum torrentia flumina Carith,  
Quo se proriperet, iussumq; lateret ad amnem,  
Ipsa nec euentu vero promissa carebant



Reddita, Hen trist



OBI  
V M  
I, sancti  
ri virtute  
:  
m,  
Tri  
Gigantis:  
ne  
unde  
dem  
tem  
ice,  
edere terra,  
m,  
m,  
Reddita

Reddita, namq̃ hominum longè semotus ab usu,  
Horrida cùm latitans coleret deserta Prophetes,  
Sensit in obsequium rigidos mitescere cornos,  
Quæq̃ suæ prius in nitido quàm corpore plumas  
Acquirant matri similes, alimenta volucres  
Parua negant soboli, crudis vescuntur & extis,  
Impia corda D E O ponunt mandante, sacroq̃  
Fatidico panes & edulia grata ferebant  
De torrente, D E I iuxta mandata bibenti.

Verùm ubi iam cælo multis sitibunda diebus,  
Terra rigaretur nullis pluuiialibus undis,  
Torrentis rapidi tunc defecere liquores,  
Vnde sitim solitus fuerat restinguere vates.  
Quotidieq̃ magis ludæis creuit in oris,  
Dira fames. & multarum penuria rerum,  
Quas tellus profert, faciebat inania frugum,  
Horrea longa dies, nec aratis credita sulcis,  
Semina cum parili reddebant fœnore messem,  
Culta nec assiduo parebant arua colono.  
Non herbis florebat humus, flaccebat in agris  
Continuò, si quæ protruserat herba cacumen,  
Non gramen, non cespes erat: crescentibus humor,  
Deërat enim rebus, vindex cùm numinis ira,  
Offensi nullum cælo demittebat imbrem,  
Arua rigaturum pluuijs: sic omnia late,  
Heu tristis facies squalore tegebat inertis.



Ergò *DEVS* plures opera nutriret vt vna,  
Consilia in melius referens prius edita, vatem  
Eximia pietate nouas ablegat in oras.

*Vrbs* antiqua fuit claræ *Sidonis* in aruis  
*Iudæam* tangens, quondam dixere *Sarephtam*,  
Diues opum, & varij specie pretiosa metalli,  
Turbine vbi piceo & nebula candente camini,  
Sudantes flammis crepitantibus æra coquebant  
Feruida, dum magno validas ventosus hiatus,  
Follis inextincti vires exsuscitat ignis,  
Huc monstrante viam Domino sublimia vates  
Insignis properos gressus ad mœnia tendens  
Accelerabat iter, sicco torrente relicto.

Lam propè contigerat patulæ munimina portæ  
Ardua, cum sese mæsto tulit obuia gressu,  
Internum mulier vultu confessa dolorem,  
Signaq; fronte gerens afflictæ conscia mentis.  
Hanc prior excipiens dictis affatur amicis,  
Atq; sibi gelidos latices ex fonte propinquo,  
Ora refecturo gratis arentia lymphis  
Ferri vase rogat. Morem gestura petenti  
Illa domum properat, cui ponè acclamat eunti  
Thesbites vates: Quantum vel sufficit vni  
Buccellæ, tostæ quoq; fer mibi queso farinæ.

Substitit ad vocem & relegens vestigia retrò,  
Ore refert querulo non auersata petentem:

O tibi



O tibi qui nostro doliturus es ipse dolore  
Si referam, quæ me miseram fortuna fatigat,  
Longa fames, rigidiq; mihi inclementia cæli,  
Omne penu exhausit, viuentia Numina testor.  
Quanta potest arcto comprænsa farinula pugno  
Præberi, restat mihi sola oleiq; liquoris  
Lecythus ampla tenet tantundem: Hæc deniq; ligna,  
(Fissile monstrabat lignum quod legerat ante)  
Gesto domum, charo quibus vltima fercula nato  
Ipsa mihiq; parem, nec spes super vlla salutis,  
Quin moriar, mecum moriatur & vnica proles.  
Sic ait, ingentem gemitum dans pectore ab imo.

Huic contra vates blando sermone profatur:  
Parce metu, & vadens quod dixti, perfice verbum,  
Sed mihi, quod superest, primum de farre parato  
Exiguum vini tostum carbonibus ignis,  
Hucq; affer panem, quo me recreemq; cibemq;  
Deinde tibi, gnatoq; tuo non vltima charo  
Fercula conficies stomachum pascentia, namq;  
Lecythus illa oleo, nec desperata farina  
Hydria deficiet, viuentia Numina testor,  
Irriguus donec mittatur ab æthere nimbis,  
Veraci DOMINVS Deus est sic ore locutus.  
Paruit hæc, stabilemq; sibi sperare salutem  
Capit, & afflictis melius confidere rebus,  
Sola Dei verbis persuasa, nihilq; morata,



Diuinum curat, recipitq; in tecta Prophetam,  
Languentemq; fama pascit releuatq; molesta,  
Quodq; prius cœnam non sufficebat in vnâ  
Binis, id Domini dextra curante benigne,  
Sufficit in plures cunctis, & tempore longo  
Durat, namq; hydriæ non est exhausta farina,  
Nec liquor est olei terreno in vase minutus.

Vsq; adeo tenui quæ dedignata Prophetam,  
Non fuerat mensa, diuinitus ampla reportat  
Præmia, & exhibiti mensura diuite rursus,  
Omnipotens Dominus meriti pia facta rependit.

Felix, ô nimium felix, charusq; IEHOVÆ,  
Non fastiditus cui talis venerit hospes,  
Ipse DEVS pro quo, ne fiat asymbolus hospes,  
Frugalem multo compensat fœnore mensam,  
Cunctaq; retribuit merita & benefacta locanti:  
Ceutibi retribuit tua munera, tu quibus ornas,  
Oppressos vates, larga bonitate GEORGI,  
Nobilis auditor CHRISTI sanctiq; LVTHERI.  
Nam te stemma potens, laudesq; extendere auitas,  
Et propria virtute magis, quam sanguine niti  
Constat, & egregijs nomen sustollere factis.  
Salve igitur vir magne, tuæ laus maxima gentis,  
Perpetuum salve, patriæ lux inclyta terræ.  
Dumq; hodie turpis sibi vendicat omnia luxus,  
Contemptæq; iacent omni sine honore camænæ:

Assere



